



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-231-4/21**
Datum: **16.07.2021. god**

«Agencija za vodno područje rijeke Save» Sarajevo rješavajući po zahtjevu pravnog lica «DŽINO PETROL» d.o.o. Maglaj za donošenje rješenja o vodnoj dozvoli za ispuštanje tehnoloških i oborinskih onečišćenih otpadnih voda sa lokaliteta objekta benzinske pumpe sa samouslužnom autopraonicom i ostalim pratećim sadržajima u ul Kulina bana bb u Maglaju, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu, «DŽINO PETROL» d.o.o. Maglaj daje se vodna dozvola za ispuštanje tehnoloških i oborinskih onečišćenih otpadnih voda sa lokaliteta objekta benzinske pumpe sa samouslužnom autopraonicom i ostalim pratećim sadržajima izgrađenog u ul Kulina bana bb na zemljištu označenom kao k.č. broj: 2402/3, 2402/4, 2403/3, 2403/4, 2404/4 i 2404/5 K.O. Maglaj, općina Maglaj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i manipulativnih površina, kao i tehnološke otpadne vode nastale pranjem vozila u bokovima samouslužne autopraonice nesmetano sakupljaju i odvođe do objekta predviđenog za tretman onečišćenih voda (separator ulja i masti), a zatim ovako tretirane vode ispuštaju u gradsku kanalizaciju kojom upravlja KJP «MAGLAJ» d.o.o. Maglaj.
 - 2.3. Prečišćene oborinske i tehnološke otpadne vode moraju ostati u maksimalno dopuštenim granicama definisanim članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Objekte čija je svrha odvođenje i prečišćavanje oborinskih onečišćenih i tehnoloških otpadnih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz separatora ulja i masti.
 - 2.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 2.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
 - 2.7. Skladištenje nafte i naftnih derivata vršiti u podzemnom, dvoplašnom, čeličnom rezervoaru ukupne zapremine 80m³.
 - 2.8. Korisnik objekta je obavezan vršiti redovnu kontrolu međuplašnog prostora rezervoara za skladištenje naftnih derivata, njegovo čišćenje i kontrolu rada.

- 2.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 2.10. Talog iz separatora se ne smije ni privremeno odlagati na česticu «vodno dobro», odnosno u vodotoke i na njegove obale.
- 2.11. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačke 13. i 22. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «DŽINO PETROL» d.o.o. Maglaj podnijelo je dana 26.05.2021. godine zahtjev za izdavanje vodne dozvole za ispuštanje tehnoloških i oborinskih onečišćenih otpadnih voda sa lokaliteta sa lokaliteta objekta benzinske pumpe sa samouslužnom autopraonicom i ostalim pratećim sadržajima izgrađenog u ul Kulina bana bb na zemljištu označenom kao k.č. broj: 2402/3, 2402/4, 2403/3, 2403/4, 2404/4 i 2404/5 K.O. Maglaj, općina Maglaj.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji u sudski registar broj: 043-0-Reg-16-000556 izdatog dana 17.06.2016. godine od strane Općinskog suda u Zenici (prva strana),
- Ovjerena kopija Uvjerjenja o poreznoj registraciji izdatog dana 21.06.2016. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-4445-2/16 izdatog dana 19.07.2016. godine od strane Uprave za indirektno-neizravno oporezivanje Banja Luka,
- Ovjerena kopija Ugovora o prenosu udjela zaključen dana 28.06.2016. godine između «DŽINO» d.o.o. Maglaj i Džinić Sejada dir «DŽINO PETROL» d.o.o. Maglaj,

- Ovjerena kopija Rješenja o odobrenju za građenje broj: 12-23-5515/08 izdatog dana 15.09.2008. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Uvjerjenja broj: 12-23-5515708 izdatog za «DŽINO» d.o.o. Maglaj dana 22.04.2009. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (Investitor nije u obavezi pribaviti okolinsku dozvolu za BP),
- Kopija Rješenja o upotrebi objekta benzinske pumpe broj: 12-23-5299 izdatog dana 23.11.2009. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (izdato za «DŽINO» d.o.o. Maglaj),
- Ovjerena kopija Rješenja o upotrebi objekta samouslužne autopraonice uz objekat BP broj: 12-23-08888/16 izdatog dana 20.04.2017. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (izdato za «DŽINO PETROL» d.o.o. Maglaj),
- Kopija Rješenja o vodnoj dozvoli broj: UP-I/25-3-40-417-4/15 izdatog dana 10.11.2015. god od strane «Agencije za vodno područje rijeke Save» Sarajevo (izdato za «DŽINO» d.o.o. Maglaj),
- Ovjerena kopija Rješenja o izmjeni rješenja broj: UP-I/25-3-40-417-6/15 izdatog dana 04.11.2016. godine od strane «Agencije za vodno područje rijeke Save» Sarajevo (izdato za «DŽINO PETROL» d.o.o. Maglaj),
- Kopija Izvještaja o monitoringu kvaliteta i kvantiteta otpadnih voda broj: 883/20, juni 2020. godine i broj: 1018/21 urađen u junu 2021. godine od strane «Inspekt-RGH» d.o.o. Sarajevo,
- Kopija Ugovora o izvođenju radova na čišćenju separatora broj: 1413/16-DS od 22.07.2016. godine zaključenog sa «DELTA PETROL» d.o.o. Kakanj,
- Opći akt o održavanju, korištenju i osmatranju vodnog objekta i postupanju u slučaju kvara ili havarije na objektu broj: 04-11/16 od 04.11.2016. godine,
- Kopija računa broj: 35004850 o čišćenju separatora od 13.11.2019. godine,
- Dokaz o uplaćenju upravnoj i administrativnoj taksi.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), izvršen je obilazak predmetnog objekta u ul Kulina bana u Maglaju i tom prilikom je sačinjen Zapisnik o uviđaju broj: UP-I/25-3-40-231-3/21 od 02.07.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat benzinske pumpe sa pratećim sadržajima i samouslužnom autopraonicom je izgrađen u ul Kulina bana bb u Maglaju i čine ga: prodajni objekat, nadstrešnica sa automatima za istakanje goriva, podzemni rezervoar za skladištenje goriva, pretakalište, samouslužna autopraonica sa dva boksa, nadzemni rezervoar za skladištenje TNP-a, separator masti i ulja. Radne, saobraćajne i manipulativne površine su završno obrađene asfaltom odnosno betonom, sa padovima prema slivnicima.
- Smještaj goriva se vrši u ukopanom čeličnom dvoplašnom rezervoaru kapaciteta 80m³. Smještaj TNP-a se vrši u nadzemnom rezervoaru zapremine 5m³.
- Zauljene oborinske vode sa prostora pretakališta, radnih, saobraćajnih i manipulativnih površina se zajedno sa tehnološkim otpadnim vodama iz samouslužne autopraonice prikupljaju sistemom uličnih slivnika, slivnih rešetki i kanalizacione mreže te odvođe na tretman u separator masti i ulja sa koalescentnim filterom. Preliv iz separatora je, preko okna za monitoring, u gradsku kanalizaciju kojom upravlja KJP «MAGLAJ» d.o.o. Maglaj.
- Snabdijevanje sanitarnom, tehnološkom i vodom za hidrantsku mrežu je obezbijedeno priključkom na gradsku vodovodnu mrežu. Sanitarno-fekalne otpadne vode se prikupljaju zasebnim kanalizacionim sistemom i odvođe u gradsku kanalizacionu mrežu.
- Monitoring otpadnih voda se vrši redovno. Na uvid predloženi izvještaji o ispitivanju kvaliteta otpadnih voda za juni 2020. godine i juni 2021. godine urađeni od strane «Inspekt-RGH» d.o.o. Sarajevo d.o.o. Sarajevo. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.
- Čišćenje separatora vrši se od strane ovlaštenog pravnog lica «DELTA PETROL» d.o.o. Kakanj prema posebnom Ugovoru (priložen radni nalog o čišćenju separatora od 13.11.2019. godine).

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva «DŽINO PETROL» d.o.o. Maglaj, ispunio minimum uslova za izdavanje vodne dozvole za ispuštanje tehnoloških i oborinskih onečišćenih otpadnih voda sa lokaliteta objekta benzinske pumpe sa samouslužnom autopraonicom i ostalim pratećim sadržajima u ul Kulina bana bb u Maglaju, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-I/25-3-40-231-2/21 od 09.06.2021. godine.

Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju

Rukovodilac Sektora za izdavanje vodnih akata


Haris Ališehović, dipl.ing.građ.

Dostaviti:

- «DŽINO PETROL» d.o.o. Maglaj
- ul Kulina bana bb, 74250 Maglaj
- AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava